

九龙与宋季史料

饶宗颐 著

万有图书公司



選堂叢書之六

九龍與蘇子史科

蘇子史科

PDG

九龍與宋季史料

著 者： 饒 宗 頤

發 行 者： 萬 有 圖 書 公 司

香港機利文新街十七號二樓

· 版權所有不得轉載翻印 ·

每冊定價港幣伍元伍角 · 美金壹元

(外埠另加郵費美金貳角五分)

一九五九年十一月初版

簡序

兩年半以前，余撰「宋末二帝南遷輦路考」，曾以初稿示摯友饒教授固庵。饒子閱竟，對於礪州所在地問題表示異見，謂其應爲化州之礪州而非廣州之大嶼山，余則堅主在廣而不在化之說，斤斤討論，相持不決。余力請其撰爲駁議，引出憑據，發揮所見，藉共商榷，且出以幽默語調，含笑向其挑戰，聲言倘提出充份證據，足以折服拙見者，當懸白旗而向真理投降。蓋彼此治學一本科學精神與方法，虛己從事，至誠相待，同奉真理爲至高至尊之標準與鵠的，而不固執私見成見，尤不以意氣用事，妄爲口舌之爭也。饒子聞而嘉許此爲豁達大度與客觀的治學精神，欣然諾焉。時，王世昭君亦在座，亟鼓掌稱善，並謂此種友誼的、善意的、積極求真的論辯，毋意、必、固、我的研究，足以開文化學術界之風氣，當拭目觀之云。未幾，饒子果以萬言長篇抵余，余亦以長篇答之。自是以後，彼此往復辯論，辭達三萬言，統載余主編之「宋皇臺紀念集」。這該集付梓，討論結束，而饒子之心靈活動與知識興味，一發難收，繼續發掘史料，虛心研究，卒成「九龍與宋季史料」一書。余初聆此消息，不禁爲之愕然驚奇焉。

日者，饒子出其新著全稿見示，且曰：「余本無心研究九龍史蹟，自前歲拜讀尊著，始措意及

九龍與宋季史料

簡序

引言

卷一、宋元間人所記海上行朝史料評述

一、宋史二王紀……………	一
二、元經世大典（征伐平宋篇）……………	一
三、鄧光薦填海錄 續宋書（祥興本紀）……………	二
四、陳仲微廣王衛王本末……………	三
五、文天祥集杜詩……………	六
六、周密二王入閩大畧（見癸辛雜識續集）……………	六
七、鄭思肖心史……………	六
八、龔開宋陸君實傳……………	七
九、黃潛陸丞相傳後叙（並自注）……………	七

十、吳萊南海山水人物古蹟記……………九

十一、昭忠錄……………九

十二、姚燧中書丞李公家廟碑，又平章政事史公神道碑……………九

卷二、宋史元經世大典填海錄二王本末厓山集五種史料所記二帝行踪

撰異

一、史料比較表……………一一

二、史料歧點……………一四

(一)論厓山集由集綴各宋元人記載而成……………一五

(二)論厓山集所記同于二王本末且爲他書所不載者……………一五

(三)論厓山集記帝次甲子門及至廣州州治日時有矛盾……………一五

(四)論宋史新編及東莞陳志之誤……………一六

(五)論經世大典之誤……………一七

三、論填海錄記載之詳確兼論鄧光薦兩度居廣州事……………一七

附宋季廣州爭奪得失各書所記對照表……………一七

附論雷州陷落時間……………二三

卷三、行朝所經九龍半島附近地理考證

一、梅蔚（未詳所在）	二四
二、官富場	二五
三、古堽與古塔	二八
四、淺灣（以上九龍境內）	三一
五、秀山	三二
六、井澳 謝女峽	三三
七、礪洲及宋王村（以上九龍以外）	三六

卷四、論官富場原屬海南鹽柵兼論其宋以前之地理沿革

一、官富場在北宋時屬海南鹽柵	三八
附論大奚山禁私鹽之始	三九
二、南宋以前官富場之地理沿革	四〇
附古墓磚文「大治曆」試解	四三

卷五、論礪州非大嶼山

- 一、礪州應在化州證……………五一
- 二、評陳仲微及吳萊說……………六〇
- 三、論元史世祖紀說……………六八
- 四、礪州異文考……………七〇

續論

- 一、論二王本末非第一手史料……………七四
- 二、周密記礪州在雷州界與鄧光薦所言符合……………七七
- 三、評兩礪州說……………七八
- 附論礪州因產礪砂而得名……………八三

卷六、楊太后家世與九龍楊侯王廟

- 一、楊太后家世考……………八四

二、楊侯王廟	九〇
附記清末大鵬協副將張玉堂事蹟	九二
本書提要	九三
附錄一 補宋史鄧光薦傳	九九
附錄二 宋季行朝史料摭遺	一〇五
一、周密二王入閩大畧	一〇五
二、元經世大典征伐平宋篇注	一〇六
三、黃潛陸君實傳後叙並自注	一〇七
四、姚燧中書左丞李公家廟碑（節錄）	一一二
五、又平章政事史公（格）神道碑（節錄）	一一三
附錄三 元皇慶刊本二王本末書後	一一四
附錄四 南佛堂門古蹟記	一一八
羅跋	一二一
補記	一二三

卷一 宋元間人所記海上行朝史料評述

考證史事，以資料之蒐集及審定爲先務，宋季二帝播遷閩廣，宋元人記載已多歧異，方志之屬，更無論矣。茲就所知見，列舉而評隲如下：

（一）宋史二王紀

宋史所記，與經世大典頗有出入。史既修成，鄧光薦家始將其根據陸秀夫日記寫成之「填海錄」上進，已不及采入。（事見黃潛撰陸君實傳後序）。故帝是在官富場一帶之行踪，宋史未能詳載。祥符王惟儉宋史記（馮平山圖書館藏鈔本）卷十三「帝熈端宗帝昀本紀」，與宋史此紀幾全同。柯維騏宋史新編錢士升度宗三帝本紀則采自厓山志，所記較詳。并於梅蔚、官富場、淺灣諸地名，皆冠以「廣之」兩字，惟不采「次古塔」一條。（維騏，嘉靖二年進士，惟儉，萬曆二十三年進士。王氏成書在柯氏之後，可參蛾術編卷十「改修宋史」條。）

（二）元經世大典 征伐平宋篇

載元文類卷四十一。文中有云：「福建宣慰使唆都言：南劍州安撫司達魯花赤馬良佐，遣人於福泉等處，密探得殘宋建都廣州，改咸熙元年」云云。知所記多出自當日官方情報，不能

盡得實。「咸熙」乃「景炎」之誤，黃潛已辨正之。（經世大典乃天曆二年，命趙世延虞集等修。蘇天爵元文類僅選載數篇。）

（三）鄧光薦填海錄（據陸秀夫日記而作）

續宋書

填海錄出自鄧光薦家。黃潛撰陸君實傳後序云：「（宋）史既成，而鄧光薦家，始以其填海錄等書上進。」又於「陳寶降」句下云：「而填海錄及其所撰祥興本紀」云云，則鄧氏又著有「祥興本紀」一篇。宋史成於至正五年，鄧氏此書始出，去宋亡已六十餘年矣。潛於此序自注，每引填海錄語，弘治厓山集亦屢引之。（清王邦采注吳萊詩，亦數引填海錄。）文山紀年錄云：「雜取宋禮部侍郎鄧光薦中甫所撰丞相傳、附傳、海上錄」，則此書亦名海上錄也。鄧氏記二王事，乃得自陸秀夫。宋史秀夫傳：「方秀夫海上時，記二王事爲一書甚悉，以授禮部侍郎鄧光薦。曰：君後死，幸傳之。其後厓山平，光薦以書還廬陵。大德初，光薦卒，其書存亡無所知。」然龔開爲秀夫傳，則謂：「君實在海上，乃有手書日記；日記藏鄧禮部光薦家，數從鄧取之不得。故傳所登載，殊弗能詳」。蓋龔開深以不獲見秀夫日記爲憾，秀夫日記存於光薦處，原未亡佚也，故鄧氏得藉以成填海錄。黃潛云「其家以填海錄等上進」，是填海錄一書，即以陸秀夫日記爲藍本也。光薦留心宋季史蹟，千頃堂書目五光薦有「續宋書」「德祐日記」二種，錢氏補元史藝文志、倪氏宋史藝文志補據之著錄。又光薦所作文丞相傳及文丞相督

府忠義傳，（載入文山全集卷十九）皆在「續宋書」中，據危素西臺慟哭記跋云：「文丞相忠義明白，世多爲之紀載，禮部侍郎鄧公光薦作續宋書，最爲詳備，文公之將校名姓，往往在焉」，是其明證。（危素有宋史稿五十卷，其書不傳。）又黃潛引其祥興本紀，當亦續宋書之一篇。文文山送光薦詩云：「願持丹一寸，寫入青琅玕，」蓋望其傳述宋史，文陸兩公同此志也。光薦史學名家，故所記宋季行朝事，實最爲可信云。

（四）陳仲微廣王衛王本末

此書四庫著錄（卷十一），乃浙江汪啓淑家藏本，爲宋季三朝政要卷六附錄。前有題記言：「丙子，從二王入廣，目擊當時之事，逐日抄錄。崖山敗，流落安南。壬午歲，安南國使入覲，因言仲微之事，而得仲微所著二王首末，重加編次，以廣其傳」。壬午爲元世祖十九年，是歲文天祥就義。此書多經元人增竄，不少鈔襲文文山集杜詩句。又記文山之死，顯非仲微所及知，其言蘇劉義事尤乖異。書中前後相違伐者，如記世傑擁祥興帝及楊太后脫去，繼又云丞相陸秀夫抱衛王赴海死，多所矛盾。觀鄧光薦所著題曰「祥興本紀」，仲微爲宋貞臣，對端宗尤不應稱「廣王」，對祥興帝不應稱「衛王」。最可異者，卽誤廣王爲作廣王昰，故知此書題名，顯亦呂元人所改，非其朔也。

二王本末向附三朝政要以行，在卷六中。政要不著撰人名氏，四庫提要言：「卷首題詞，

稱理宗國史爲元載入北都，無復可考；故纂集理度二朝及幼主本末，附以廣、益二王事。其體亦編年之流，蓋宋之遺老所爲也。然理宗以後國史，修宋史者實見之，故本紀所載，反詳於是書。又是書得于傳聞，不無舛誤」云云。今觀二王本末所紀，實較宋史二王紀爲疏畧，四庫評語，頗爲允當，蓋其資料，多爲修宋史者所不取。

三朝政要，舊附劉時舉續宋中興編年資治通鑑之後，（此書羅振玉曾據鈔本覆刊，爲東方學會排印本。）三朝政要，元時曾由陳氏餘慶堂刊行，仲微原書之被改竄，殆出于元時書坊之手。自元以來，是書刊本頗繁，茲畧考如次：

一、元仁宗皇慶（元年）壬子建安陳氏餘慶堂刊本 錢大昕補元史藝文志云：「六卷，起寶慶，終祥興。」儀顧堂續跋六云：書五卷附錄一卷。目錄前有「陳氏餘慶刊」一行，目後有「皇慶壬子」四字。附錄題「廣王本末，陳仲微錄」。（建安陳氏餘慶堂事，詳書林清話卷四。）

按羅振玉曾覆影皇慶此本，收入宸翰樓叢書。

二、元英宗至治（三年）癸亥雲衢張氏新刊本 日本經籍訪古志三云：「卷首載目，有行書識語。卷六廣王，不題撰人名氏。卷端頁頭，題「雲衢張鼎新綉梓」。目錄末有「至治癸亥張氏新刊本記」。日本靜嘉堂文庫今藏有一部。

三、明張萱刊本 見邵氏四庫總目標注。（經籍訪古志謂三朝政要，又明刊本，體例行款，與至治本同。未知視張本如何。）

四、清乾隆張海鵬學津討原本 卷六「廣王本末」下，不題「陳仲微述」，卷末至「舍生而取義信哉」止，而缺「蓋死者人之所難」以下三百餘字。有屈振鏞張海鵬跋。屈跋云：「第六卷首叙陳仲微抄錄二王事，得自安南使人，是亦當時野史而已。」

五、錢熙祚守山閣叢書本 以趙魏校本付梓。有吳焯跋謂：「作者不傳姓氏，此元初人有心于舊聞者。」儀顧堂跋謂其「又有據別本妄增者，蓋與張本伯仲間耳，均非善本」。

六、咸豐間伍崇曜粵雅堂叢書本 書題「宋季三朝政要附錄」，無「卷六」二字。伍跋謂「此編爲吳荷屋（榮光）中丞藏本，袁壽階五研樓中物。」按袁氏名廷樞，其鈔本有嘉慶十五年陳鱣手記，後歸丁氏善本書室，（見藏書志卷七）伍氏即據此本付刊。

至其他鈔本，善本書室有嘉靖壬戌周文鼎（約耕）鈔本，日本靜嘉堂有黃丕烈校鈔本，台灣中央圖書館有鄧邦述（羣碧樓）朱藍二色手校本，惜莫由彙集，爲之詳校。考宋史成於至正間，在此書刊行後多年，而此書自皇慶迄於至治，十年之間，鏤版者再，在當日必甚流行。時宋史尚未成書，誠如四庫提要所言，當時修宋史諸公，對仲微二王本末當曾寓目。而鄧光薦書行世較晚，最爲可信。故黃潛據之以校訂宋史及經世大典。仲微此書，諒以其習見，又多經坊

肆改竄，故不爲人重視歟。

(五) 文天祥集杜詩

載文山全集卷十六。自「景炎擁立」第二十八以下。至「曾淵子」第四十四若干首，與「陸樞密秀夫」第五十二等篇，皆賦景炎祥興及海上諸臣事；其小序尤具史料價值。其「景炎賓天」第三十一、「祥興第三十六」序，與二王本末所記全同，蓋元時重編仲微書者鈔襲之也。

(六) 周密二王入閩大畧

見癸辛雜識續集上。草窗自注云：「姜大成云」。蓋出姜氏所述，其中頗多珍聞，如注明「礪州屬雷州界」，足正二王本末之訛。言楊亮節與陸秀夫皆溺海而死，可匡正陳伯陶之說。又言「益王銳下，一目幾眇」，趙氏譜載有二王畫像，容貌端正，與草窗所記殊不類，

(七) 鄭思肖心史

心史下卷有文丞相敘。祭大宋忠臣文，又「大義畧敘」長篇，末題德祐八年著述，德祐九年重修，尤爲重要。其書於海上行朝史蹟，雖未詳盡，亦足資參證。如謂「景炎皇帝以病崩於南恩州界及攢葬礪洲」，他書皆言景炎崩於化之礪洲，黃潛則云殂於舟中，蓋化之礪洲與南恩州正相近也。文於陳宜中及逃亡諸臣頗多責難，大義凜然。謂宜中初奔占城，又遁而奔閩婆等，

足補史乘所不及。又言世傑奉祥興帝奔遁，與宋史不合。所南又於中興集卷二少保張世傑一首序，謂少保實未死，亦與昭忠錄及黃潛注引填海錄說所記大異，實不可信，故四庫提要斥爲無稽之談也。

(八) 龔開宋陸君實傳

文載程敏政宋遺民錄卷十。(敏政之前，尙有無名氏編「宋遺民錄」一卷，洪武間鈔本，四庫十三著錄。)記己卯二月六日癸未，崖山之敗，君實抱幼君，以匹練束如一體，用黃金砸腰間，君臣赴水而死。足正心史言世傑奉祥興帝奔遁之誤傳。傳又言：「君實在海上，與青原人鄧中甫光薦善，嘗手書日記授中甫曰：足下若後死，以此冊傳故人。僕嘗託黃唐佐圭從中甫取冊，不得，姑以所聞，輯爲此傳」。具見秀夫日記，實在光薦家。開字聖予，號翠巖，淮陰人。以畫馬名，(傳世有駿骨圖)少與秀夫同居廣陵幕府。(見吳萊桑海遺錄序)此傳又載于陸右丞蹈海錄。初，吳萊曾取開所作天祥秀夫兩傳，附以雜記，題曰「桑海遺錄」。(有序見淵穎先生文集十二)錢牧齋讀吳萊此序，復錄此二傳，益以黃潛君實傳後序，題曰「重輯桑海遺錄」。有序作於萬曆四十七年四月，文載初學集卷二十八。

(九) 黃潛陸丞相傳後叙(并自注)

文載金華黃先生集卷三。(是集共四十三卷。初稿三卷，危素所編；續稿四十卷，則門人